



Inatsisartut
Att. Inatsisartuni ilaasortaq Villy Olsvig

08-01-2018
Sagsnr.: 2017 - 28604

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Uumasunik toqoraavinnut aningaasanut inatsimmi aningaasaliissutinik atuisarneq pillugu § 37 naapertorlugu apeqquteqaammut akissut

Inatsisartut suleriaasianni § 37 naapertorlugu Naalakkersuisunut apeqquteqarputit aningaasanut inatsimmi aningaasaliissutinik Neqi A/S-imut aamma toqoraavinnut allanut atatillugu atuisoqartarnera pillugu, kiisalu aamma apeqquteqarlutit inuussutissarsiornikkuk tapiissuteqartarnernik aaqqissuussinerusinnaasut allat pillugit. Apeqqutitit uannut akisassanngorlugit innersuunneqarsimapput, akissutikkalu ataani atuarsinnaavatit.

Apeqqut 1:

Konto-t Neqi A/S-imut atorreqartussatut nalunaarsugaasut, siammarlugit neqinik tunisassiorfinnut atuutsilerneqarsinnaanera qanoq periarfissaqarpa?

Akissut:

Naalakkersuisut kiffartuussinermit isumaqatigiissut naapertorlugu Neqi A/S-mut akiliuteqartarput tunitsiveqartitsinissamik attassiinnarnissaq taamalu nioqqutissiornissaq suliffissaqartitsinerlu savaatilikkunni nunatta kujataani siunertaralugit. Kiisalu aamma Neqi A/S aqqutigalugu namminersortut kartoffiliniq nioqquteqarnerannut tapiissuteqartoqartarluni. Pineqarput isumaqatigiissutaasut naapertorlugit pisussaaffiit, Namminersorlutik Oqartussat isumaqatigiissummi atugassarititaasut tunngavigalugit pisussaaffigisaat. Aningaasaliissutillu taakkua siunertanut allanut atorreqarsinnaanngillat.

2018-imi aningaasanut inatsimmi kontumi pingaarnermi 27.04.01.-imi oqaasertaliussani ersippoq Nunalerineq pillugu Inatsisartut inatsisaanni nr. 5, 2. maj 1996-imeersumi aalajangersakkat naapertorlugit aningaasaliissutit taakkua atorreqartussaasut savaaqqanik, savanik aamma nersutinik pisiortortarnernut tapiissutitut. Aningaasartuutissanullu missingersuusiani aningaasanut inatsimmi ingerlatsinermit tunngasuni kisitsisini 2018-imut aamma ersilluni naatsorsuutigineqartoq 7,167 mio. kr.-it tunisinernut tapiissutitut atorreqarnissaat. Tunisinernut tapiissutit siunnerfiligaapput uumasuutitut toqoraavimmu Narsamiittumut tunineqartartussanut, imaluunniit toqoraavinnut

allanut uumasut nakorsaani akuerisaasunut nioqqutissiassatut suliareqqinneqartussatut.

Aningaasaliissutini immikkoortitat annikinnerusut nersutitut tunisinernut tapiissutitut annerpaamik 130.000 kr.-inik ukiumut nalilinnut atorneqarsinnaapput. Nersussuarnik tunisinermi tapiissutit suliniutitut nutaajuvoq, 2018-imilu nalilersorneqartussaalluni.

Apeqqu 2:

Lilleholm Food ApS - Kangerlussuarmi neqinik tunisassiorfia inerisarneqarneranut tapiissutigisinnaasaanik allanik periarfissaqarpa?

Akissut:

Inuussutissarsiutinik siuarsaanissanut aqqissuussinernik aningaasaliissutitalinnik arlalinnik Naalakkersuisoqarfimma ataani peqarpoq, tapiissuteqarnissamut periarfissaqartitsisunik, assersuutigalugu inuussutissalerinermut atatillugu. Tassani immikkut eqqaasinnaavakka qiortakkanik aqqissuussineq, siunnersuisarnermik ingerlatsinernut tapiissuteqarsinnaanermik periarfissaqarfiusoq, suliffimmik pilersitsinermi imaluunniit allilerinermi. Qiortakkamik aqqissuussineq ataaseq 25.000 kr.-inik aningaasartaqartarpoq.

Kiisalu aamma nioqqutissianik ineriartortitsinissamut tapiissuteqartoqarsinnaavoq aningaasartuutaasut 50 %-ii angullugit annertussuseqarsinnaasunik, qinnuteqartup aningaasartuutissatut missingersuusiaanut atatillugu. Ukiumullu tassani annerpaamik tapiissutigineqarsinnaasut 300.000 kr.-inik annertussuseqarput.

Periarfissat pingajuat tassaavoq avammut niueruteqartarnermut tapiissutit. Avammut niueruteqarnissamut atatillugu suliniutaasunut tapiissutissatut neriorsuut nalunaarutigineqartarpoq, taamaattoq annerpaamik 100.000 kr.-inik aningaasartalik

Kiisalu aamma qinnuteqartoqarsinnaavoq inuussutissarsiutitut suliniummik ineriartortitsinermut atatillugu, kalaallit inuussutissatut nioqqutissiaannik siuarsaanermi. Tapiissutit annertussuseqarsinnaapput aningaasartuutit uppersarneqartut 50 %-iattut. Tapiissuteqartoqarsinnaavorlu annerpaamik suliniummut ataatsimut ukiumut 300.000 kr.-inik annertussusilinnik.

Aningaasanullu 2018-imut inatsimmi kontumi pingaarnermi 64.01.05 aamma aningaasaliissutinik immikkoortitsisoqarnikuvoq nioqqutissiorfinnik ingerlatsinernut tapiissutissanik. Aningaasaliissutillu taakkua atorneqartussaallutik tunitsivinnut tapiissutitut, suliffissaqartitsinermik ingerlatsinermillu qularnaariumalluni, aalisarnermi aamma piniarnermi, kiisalu tunitsivinni nioqqutissiornermut nunaqarfinni aalajangersimasuni illoqarfinnilu minnerusuni, suliffissaqartitsinissamik pisariaqartitsiviusuni. Tapiissutillu pineqartut tunngavigalugit kiffartuussinermut isumaqatigiissutikkut arlalitsigulluunniit tunniunneqartarlutik.

Kiisalu aamma innersuunneqarsinnaavoq 2017-imi atortuulersinneqartoq aallarnisaasunik ineriartortitsinermik aqqissuussineq, siunertaqartoq suliffeqarfinnik nutaanik tapersersuinissamik, ukiuni siullerni ingerlatsiviusuni oqimaatsuni.

Apeqquut 3:

Immikkut umimmaat qiviuvi pillugit tigooraaveqarsinnaanermik suliniuteqartoqassappat sukut tapiissutigut misileraanermi periarfissaqartitsisoqarpa?

Akissut:

Misiligutissanik umimmaat meqqunik nioqqutissiulersinnaanermut atatillugu tapiissuteqarsinnaaneq pillugu apeqquummut 2-mut akissutaasut innersuunneqassapput. Taamaattoq tapiissuteqarsinnaanernut periarfissat ilaannaat siunissami qaninnermi periarfissaassapput.

Inussiarnersumik inuulluaqqusillunga

Med venlig hilsen


Hans Enoksen